

封泥考略

封泥攷略卷一目

海豐吳式芬子苾
同輯
濰縣陳介祺壽卿

古鉅封泥

左司馬聞罃私鉅

陳臧

宋連私鉅

陳臧

粕□□□

下三字不可審釋

陳臧

漢帝信璽封泥

皇帝信璽

陳臧

漢朝官印封泥

丞相

丞相之印章

吳臧

御史大夫

屬官附

御史大夫

陳臧

御史大夫

吳臧

御史大夫章

吳臧

御史大夫章

陳臧

□史□夫章

上半缺

陳臧

御史中丞

吳臧

御史府印

吳臧

御史府印

吳臧

御史府印

吳臧

大司空印章

陳臧

列將軍

年表目有此三字

强弩將軍

年表有强弩將軍許延壽

吳臧

雜號將軍

續漢書百官志有此四字

裨將軍印章

陳臧

屬官圀

戈船候印

陳臧

戈船候印

陳臧

奉常

屬官

奉常丞印

陳臧

太史令之印

陳臧

孝文廟令

陳臧

孝景園令

吳臧

孝惠寤丞

陳臧

杜丞

半通印

吳臧

長陵丞印

陳臧

長陵丞印

吳臧

安陵丞印

陳臧

頃圜長印

圻

吳臧

□祠□長

上半缺圻

陳臧

郎中令

屬官圻

光祿勳印章

陳臧

光□勳□章

下半缺

吳臧

中宮謁丞

陳臧

中郎將印章

陳臧

衛尉

屬官圻

衛尉之印章

右半泐衛尉二字尙可辨

陳臧

衛士丞印

陳臧

衛口丞口

下半缺圻

陳臧

都候丞印

吳臧

太僕

屬官圻

太僕之印

吳臧

太僕丞印

陳臧

家馬丞印

陳臧

車府丞印

陳臧

騎馬丞印

吳臧

中車司馬

封

陳臧

廷尉

廷尉之印章

陳臧

典客

屬官

行人令印

陳臧

郡邸長印 陳臧

宗正 屬官

宗正丞印 陳臧

少府 屬官

少府之印章 陳臧

少府丞印 陳臧

少府丞印 陳臧

少府丞印 陳臧

少府丞印 陳臧

尙書令印

陳臧

大官丞印

陳臧

大官丞印

陳臧

大官丞印

陳臧

大官丞印

吳臧

大官丞印

吳臧

大官長丞

陳臧

湯官飲監

□ 左半缺一二字未可定

陳臧

導官導丞

陳臧

居室丞印

陳臧

居室丞印

吳臧

居室丞印

吳臧

東織□□

左半缺

吳臧

宦者丞印

陳臧

少府銅丞

吳臧

少內

半通印

陳臧

中尉

屬官

中壘右尉

陳臧

都船丞印 陳臧

都船丞印 陳臧

廣左都尉 陳臧

廣左都尉 陳臧

中騎千人 埶 陳臧

將作少府 屬官埶

大匠丞印 吳臧

左校丞印 陳臧

詹事 屬官

私官丞印

吳臧

長信私丞

陳臧

長信宦丞

陳臧

長信倉印

陳臧

典屬國

□□國印章

右半缺

陳臧

水衡都尉

屬官

上林丞印

陳臧

上林丞印

吳臧

上林尉印

陳臧

御羞丞印

陳臧

禁圃左丞

陳臧

宜春左圍

封

陳臧

內史

屬官

封

內史之印

陳臧

內史之印

陳臧

內史之印

陳臧

左馮翊印章

吳臧

長安市令

陳臧

市丞

半通印埴

陳臧

主爵中尉

卽右扶風屬官

掌畜丞印

陳臧

掌畜丞印

陳臧

封泥攷略卷一

古鉅封泥



右封泥七字古鉅文曰左司馬聞翌私鉅出臨菑自是官齊

左司馬者聞姓以凶德爲氏又風俗通少正卯魯之聞人遂以聞人爲氏豎人名卽鉤說文鉤健也一曰匠也从立句聲讀若齠逸周書有鉤匠此曰姓名私鉞而前有官名是漢銅印裨將軍張賽之類所由昉也泥下有細文不似版痕似非施於簡牘者眞封泥中奇古之制矣

古鉢封泥



右封泥四字古私鉢文曰宋連私鉢出臨菑

古鉢封泥



古鉢
封泥

右封泥四字古鉢文曰粕□□□下三字不可審釋出臨菑
似是封於酒器者非簡牘之用也第一字粕說文無淮南子
道應注粕已漉之精也一切經音義三引淮南許注已盞酒
曰粕也文選文賦引莊子司馬注爛食曰粕

皇帝信璽封泥



右封泥四字璽文曰皇帝信璽信璽漢帝發兵徵大臣所用也按續漢書輿服志黃赤綬注漢舊儀曰璽皆白玉螭虎紐文曰皇帝行璽皇帝之璽皇帝信璽天子行璽天子之璽天

子信璽凡六璽皇帝行璽凡封之璽賜諸侯王書信璽發兵徵大臣天子行璽策拜外國事天地鬼神璽皆以武都紫泥封青囊白素裏兩端無縫尺一板中約署皇帝帶綬黃地六采不佩璽璽以金銀滕組侍中組負以從秦以前民皆佩綬金玉銀銅犀象爲方寸璽各服所好又百官志守宮令一人本注曰主御紙筆墨及尙書財用諸物及封泥今按後漢書李雲傳尺一之板注詔策也漢書昌邑王髡傳持牘趨謁原涉傳削牘爲疏外戚傳手書對牘背竝注牘木簡也又周勃傳吏乃書牘背示之注牘木簡以書辭也說文解字牘書版

也後漢書北海靖王興傳蔡邕傳注同史記匈奴傳漢遺單于書牘以尺一寸單于遺漢書以尺二寸牘及封印皆令廣大據此則漢時詔策書疏皆以木簡亦曰板版均可名牘皆有封泥此封泥色紫背有版痕繩痕當是以版入中上以繩緘其口以泥入繩至版然後加以封印外加青囊囊之兩端無縫以護封泥如臧玉牒於石檢金繩滕之石泥封之印之以璽也中約署當是束牘之中而署字以爲識也

東觀漢記鄧訓列傳又知訓好以青泥封書還過趙國易陽並載青泥一牒至上谷遺訓

丞相封泥



右封泥五字印文曰丞相之印章按漢書百官公卿表相國

丞相皆秦官金印紫綬掌丞天子助理萬機秦有左右高帝
卽位置一丞相十一年更名相國綠綬孝惠高后置左右丞
相文帝二年復置一丞相有兩長史秩千石哀帝元壽二年
更名大司徒

御史大夫封泥



右封泥四字印文曰御史大夫按漢書百官公卿表御史大夫
秦官位上卿銀印青綬掌副丞相有兩丞成帝綬和元年
更名大司空金印紫綬祿比丞相哀帝建平二年復爲御史
大夫元壽二年復爲大司空

御史大夫封泥



右封泥四字印文曰御史大夫詳前

御史大夫封泥



右封泥五字印文曰御史大夫章御史大夫詳前史記封禪

書夏漢改厯以正月爲歲首而色上黃官名更印章以五字爲太初元年孝武本紀漢書郊祀志竝同武帝紀色上黃數用五張晏曰漢據土德土數五故用五謂印文也若丞相曰丞相之印章諸卿及守相印文不足五字者以之足之此有章字以足五字是太初以後所作印也

御史大夫封泥



右封泥五字印文曰御史大夫章詳前

御史大夫封泥



右封泥五字印文曰□御史□大夫章詳前

御史中丞封泥



右封泥四字印文曰御史中丞按漢書百官公卿表御史大夫有兩丞秩千石一曰中丞在殿中蘭臺掌圖籍祕書外督部刺史內領侍御史員十五人受公卿奏事舉劾按章成帝元壽二年御史中丞更名御史長史

御史府封泥



右封泥四字印文曰御史府印御史詳前府者官府與丞相
竝稱曰兩府漢書薛宣傳考績功課簡在兩府師古曰兩府
丞相御史府也

御史府封泥



右封泥四字印文曰御史府印詳前

御史府封泥



右封泥四字印文曰御史府印詳前

大司空封泥



右封泥五字印文曰大司空印章按漢書百官公卿表御史大夫成帝綏和元年更名大司空哀帝建平二年復爲御史大夫元壽二年復爲大司空何武師丹朱博彭宣王崇甄豐皆爲大司空此其印也

强弩將軍封泥



右封泥四字印文曰强弩將軍校漢書辨疑曰衛霍傳有李沮公卿表及田延年傳有許延壽恩澤侯表有孫建藝文志有王圍竝爲此官又將軍位上卿金印紫綬卿印太初元年更以五字曰章詳前此無章字則太初以前物也

裨將軍封泥



右封泥五字印文曰裨將軍印章按漢書王莽傳裨將軍千二百五十人又有裨將軍張賽漢同印文

戈船候封泥



右封泥四字印文曰戈船候印按漢書百官公卿表無戈船
候胡氏琨泥封目錄曰疑是戈船將軍之軍候

戈船候封泥



右封泥四字印文曰戈船候印詳前

奉常丞封泥



右封泥四字印文曰奉常丞印按漢書百官公卿表奉常奉
官掌宗廟禮儀有丞景帝中六年更名太常此曰奉常自是
未改太常以前印也

太史令封泥



右封泥五字印文曰太史令之印按續漢書百官志太常屬官太史令一人又藝文志博學七章者太史令胡毋敬所作也

孝文廟令封泥



右封泥四字印文曰孝文廟令按漢書百官公卿表奉常屬

官有諸廟寢園食官令長丞此孝文帝廟令之印史記秦本紀景帝元年十月詔御史爲文帝廟昭德舞丞相嘉等請郡國諸侯各爲文帝立太宗之廟此印無郡國名自是奉常所掌矣

孝景園令封泥



右封泥四字印文曰孝景園令按漢書百官公卿表奉常秦
官景帝中六年更名太常屬官有諸廟寢園食官令長丞此
園令之印也

孝惠帝丞封泥



右封泥四字印文曰孝惠帝丞按漢書百官公卿表奉常屬
官有諸寢令長丞印作寤即寤此寤之丞也

杜丞封泥



右封泥二字半通印文曰杜丞按漢書元帝紀初元元年孝

宣皇帝葬杜陵臣瓚曰杜陵在長安南五十里百官公卿表有諸陵縣又漢官有先帝陵每陵監丞五人三百石而據長陵丞印用方印四字與它縣丞印同當卽長陵縣丞印此印但曰杜且用半印疑爲杜陵之監丞簠齋陳氏曰監丞自當有監字

長陵丞封泥



右封泥四字印文曰長陵丞印按漢書高帝紀十二年五月

葬長陵地理志左馮翊長陵注高帝置百官公卿表奉常掌
宗廟禮儀諸陵縣皆屬也元帝永光元年分諸陵邑屬三輔
則長陵初屬奉常後乃屬左馮翊也縣丞詳後余疑長陵二
字杜上者爲陵員

長陵丞封泥



右封泥四字印文曰長陵丞印詳前

安陵丞封泥



右封泥四字印文曰安陵丞印按漢書惠帝紀七年九月葬

安陵地理志右扶風安陵縣惠帝置朱博傳以太常掾察廉
補安陵丞關中記安陵俗稱女啁陵水經注十三州志本周
之程邑詩

程伯休父一統志詩正義周書僞文王在程作程寤程典皇
甫謚云文王徙宅於程蓋謂此也記正義引周書作郢郎孟
子所云畢郢也

頃園長封泥



右封泥四字印文曰頃園長印按漢書戾太子傳詔置園邑有司奏請比諸侯王園園置長丞知諸侯王皆有園此頃園頃王園也唯王諡頃者甚多不可定耳

□祠□長封泥



長

右封泥四字印文曰□祠□長存下半按漢書百官公卿表
奉常秦官景帝中六年更名太常屬官有太祝令丞未言長
景帝中六年更名太祝爲祠祀漢銅印有沛祠祀長

光祿勳封泥



右封泥五字印文曰光祿勳印章按漢書百官公卿表郎中令秦官掌宮殿掖門戶武帝太初元年更名光祿勳此其印也

光祿勳封泥



右封泥五字印文曰光口祿勳口印章詳前

中宮謁丞封泥



右封泥四字印文曰中宮謁丞按漢書百官公卿表郎中令掌宮殿掖門戶屬官有大夫郎謁者此曰中宮疑是皇太后皇后宮中之謁者丞也

中郎將封泥



右封泥五字印文曰中郎將印章按漢書百官公卿表郎中令秦官武帝太初元年更名光祿勳平帝元始元年置中郎將秩比二千石此其印也

衛尉封泥



右封泥五字印文曰衛尉之印章按漢書百官公卿表衛尉
秦官掌宮門衛屯兵有丞景帝初更名中大夫令後元年復
爲衛尉此其印也

衛士丞封泥



右封泥四字印文曰衛士丞印按漢書百官公卿表衛尉秦
官景帝初更名中大夫令後元年復爲衛尉屬官有衛士令
丞此其丞之印也

衛士丞封泥



右封泥四字缺下一字印文曰衛□丞□詳前

都候丞封泥



右封泥四字印文曰都候丞印按續漢書百官志衛尉屬官有左右都候本注曰丞各一人用禮司寤氏有夜士干寶注曰今都候之屬簠齋陳氏銅印有都候此其證也

太僕封泥



右封泥四字印文曰太僕之印按漢書百官公卿表太僕秦官掌輿馬此其印也

太僕丞封泥



右封泥四字印文曰太僕丞印按漢書百官公卿表太僕掌
輿馬有兩丞續漢志云丞一人此未言左右或是光武并官
省職後印也

家馬丞封泥



右封泥四字印文曰家馬丞印按漢書百官公卿表太僕掌
輿馬屬官有家馬令丞尉此其丞之印也

車府丞封泥



右封泥四字印文曰車府丞印按漢書百官公卿表太僕屬
官有車府令丞此其丞之印也

騎馬丞封泥



右封泥四字印文曰騎馬丞印按漢書百官公卿表太僕屬
官有騎馬令丞此其丞之印也

中車司馬封泥



右封泥四字印文曰中車司馬按漢書百官公卿表續漢書

百官志衛尉屬官皆有公車司馬令丞而無中車司馬中太僕掌皇太后輿馬不常置也此中車或是中太僕屬而表闕與史記秦始皇本紀封在中車府令趙高行符璽事所是此中車之一證也

廷尉封泥



右封泥五字印文曰廷尉之印章按漢書百官公卿表廷尉
秦官掌刑辟景帝中六年更名大理武帝建元四年復爲廷
尉哀帝元壽二年復爲大理此武帝時之印也

行人令封泥



右封泥四字印文曰行人令印按漢書百官公卿表典客秦
官景帝中六年更名大行令武帝太初元年更名大鴻臚屬
官有行人令丞此其令之印也

郡邸長封泥



右封泥四字印文曰郡邸長印按漢書百官公卿表典客屬
官有郡邸長丞師古曰主諸郡之邸在京師者也此其長之
印也

宗正丞封泥



右封泥四字印文曰宗正丞印按漢書百官公卿表宗正秦
官掌親屬有丞平帝元始四年更名宗伯此曰宗正丞是平
帝元始前印也

少府封泥



右封泥五字印文曰少府之印章按漢書百官公卿表少府
秦官掌山海池澤之稅以給其養有六丞此其印也

少府丞封泥



右封泥四字印文曰少府丞印少府及丞詳前

少府丞封泥



右封泥四字印文曰少府丞印詳前

少府丞封泥



右封泥四字印文曰少府丞印詳前

少府丞封泥



右封泥四字印文曰少府丞印詳前

尙書令封泥



右封泥四字印文曰尙書令印按漢書張安世傳上幸河東

亡書三篋詔問莫能知惟安世識之具作其事後購求得書以相校無所遺失上奇其材擢爲尙書令又按事始尙書令續書曰秦置漢元鼎二年以張安世爲尙書令任安亦爲之漢書百官公卿表少府屬官有尙書令丞續漢書百官志尙書令一人千石未言丞此其令之印也

大官丞封泥



右封泥四字印文曰大官丞印按漢書百官公卿表少府屬
官有大官令丞師古曰太官主膳食此其丞之印也

大官丞封泥



右封泥四字印文曰大官丞印詳前

大官丞封泥



右封泥四字印文曰大官丞印詳前

大官丞封泥



右封泥四字印文曰大官丞印詳前

大官丞封泥



右封泥四字印文曰大官丞印詳前

大官長丞封泥



右封泥四字印文曰大官長丞按漢書百官公卿表少府屬
官有太官令丞又有胞人都水均官三長丞或大官有長而
史未備與

湯官飲監口封泥



右封泥五字印文曰湯官飲監口按漢書百官公卿表少府屬官有湯官師古曰湯官主餅餌此印官名曰飲監是湯官之職印字或五或六未可定也

導官導丞封泥



右封泥四字印文曰導官導丞按漢書百官公卿表少府屬
官有導官師古曰導官主擇米後漢書鄧皇后紀導官注主
導擇米以供祭祀續漢書百官志導官令本注導擇也又攷

漢書司馬相如傳導一莖六穗於庖鄭氏曰導擇也一莖六穗謂嘉禾之米於庖厨以供祭祀字皆導皆訓擇而史記司馬相如傳作導徐廣曰導瑞禾也說文導禾也從禾道聲司馬相如曰一莖六穗此印二導字亦從禾知導乃本字從禾也導官導丞與鹽官果丞橘官橘丞同義皆以所主之物名官主米而曰導者導爲瑞禾取嘉名也後誤爲導注釋者未究原委卽以擇爲訓耳今據印文與史記足證兩漢書作導者皆傳寫之誤也錢少詹謂收臧古印於史學不無裨益洵哉

居室丞封泥



右封泥四字印文曰居室丞印按漢書百官公卿表少府屬
官有居室丞武帝太初元年更名居室爲保宮此武帝前之
印也

居室丞封泥



右封泥四字印文曰居室丞印詳前

居室丞封泥



右封泥四字印文曰居室丞印詳前

東織□□封泥



右封泥四字印文曰東織□□按漢書百官公卿表少府屬
官有東織西織令丞河平元年省東織更名西織爲織室此
河平前之印也

宦者丞封泥



右封泥四字印文曰宦者丞印按漢書百官公卿表少府屬
官有宦者令丞此其丞之印也

少府銅丞封泥



右封泥四字印文曰少府銅丞按漢書百官公卿表水衡都

尉武帝元鼎二年初置屬官有鍾官辯銅令丞如淳曰鍾官鑄錢官也辯銅主分別銅之種類也表又曰初鑄錢屬少府今據此印知班史言鑄錢者兼辯銅丞言之此則辯銅丞之印省辯字也

少內封泥



右封泥二字半通印文曰少內按周禮天官職內主入也若

令之泉所入謂之少內釋曰按王氏漢官解云小官嗇夫各擅其職謂倉庫少內嗇夫之屬各自擅其條理所職主由此言之少內臧聚似令之少府但官卑職碎以少爲名漢官曰少者小也小故稱少府王者以租稅爲公用山澤陂池之稅以供王之私用古皆作小府此印文自當附少府矣

中壘右尉封泥



右封泥四字印文曰中壘右尉按漢書百官公卿表執金吾屬官有中壘令丞中壘兩尉此右尉之印也

都船丞封泥



右封泥四字印文曰都船丞印按漢書百官公卿表中尉秦官武帝太初元年更名執金吾屬官有都船令丞此其丞之印也

都船丞封泥



右封泥四字印文錯綜讀曰都船丞印攷中尉秦官秦官印
文多錯綜此印亦秦制與

廣左都尉封泥



廣左都尉

右封泥四字印文曰廣左都尉按漢書百官公卿表中尉太初元年更名執金吾屬官有左右京輔都尉史記平準書益廣關置左右輔注徐廣曰元鼎三年丁卯歲徙函谷關於新安東界此左輔都尉之印所以曰廣左都尉也

廣左都尉封泥



右封泥四字印文曰廣左都尉詳前

中騎千人封泥



右封泥四字印文曰中騎千人按漢書百官公卿表中尉典

屬國屬官有千人又西域都護有千人續漢志騎都尉本注
曰本監羽林騎又侍中本注曰法駕出則多識者一人參乘
餘皆騎在乘輿後又中黃門冗從僕射出則騎從又職官有
官騎此云中騎疑是中宮騎之千人故加中字如中太僕與
中車司馬文也

大匠丞封泥



右封泥四字印文曰大匠丞印按漢書百官公卿表將作大匠有兩丞此是其印未言左右或竝二爲一也

左校丞封泥



右封泥四字印文曰左校丞印按漢書百官公卿表將作大匠屬官有左右前後中校令丞此左校令之丞也

私官丞封泥



右封泥四字印文曰私官丞印按漢書百官公卿表詹事掌
皇后太子家屬官有私府丞此曰私官可補史闕

長信私丞封泥



右封泥四字印文曰長信私丞按漢書百官公卿表詹事秦

官掌皇后太子家又中長秋私府永巷倉廩祠祀食官令長丞諸宦官皆屬焉長信詹事掌皇太后宮景帝中六年更名長信少府平帝元始四年更名長樂少府此印曰長信私丞長信自是皇太后宮私丞當是私府丞省文也續漢志有中宮私府令丞本注曰宦者

長信宦丞封泥



右封泥四字印文曰長信宦丞按漢書百官公卿表少府屬
官有宦者令丞此曰長信宦丞當是景帝中六年長信詹事
更名長信少府之宦者丞省者字以成四字也

長信倉封泥



右封泥四字印文曰長信倉印按漢書百官公卿表詹事屬

官有倉長丞又長信詹事掌皇太后宮景帝中六年更名長信少府張晏曰以太后所居宮爲名也居長信宮則曰長信少府居長樂宮則曰長樂少府然則是印曰長信倉蓋太后居長信宮時所置倉長丞也

□□國封泥



右封泥五字印文曰□□國印章缺前二字按漢書百官公卿表典屬國秦官此典屬二字雖缺自是其印

上林丞封泥



右封泥四字印文曰上林丞印按漢書百官公卿表水衡都尉武帝元鼎二年初置掌上林苑屬官有上林令丞又曰上林有八丞十二尉上林初屬少府此其丞之印也

上林丞封泥



右封泥四字印文曰上林丞印上林二字在上者尊之也

上林尉封泥



右封泥四字印文曰上林尉印上林及尉詳前

御羞丞封泥



右封泥四字印文曰御羞丞印按漢書百官公卿表水衡都

尉屬官有御羞令丞如淳曰御羞地名也在藍田其土肥沃多出御物可進者揚雄謂之御宿三輔黃圖御羞宜春皆苑名也師古曰御宿則今長安城南御宿川也羞宿聲相近故或云御羞或云御宿耳羞者珍羞所出宿者止宿之義此自是掌珍羞之御羞令之丞也

禁圃左丞封泥



右封泥四字印文曰禁圃左丞按漢書百官公卿表水衡都尉屬官有禁圃令丞禁圃兩尉據此云左則丞亦有兩如尉可以補史之略

宜春左園封泥



右封泥四字印文曰宜春左園按三輔黃圖宜春下苑在京城東南隅據此印知宜春上苑下苑亦稱左苑右苑苑亦稱園御宿苑黃圖引三秦記作御宿園也

內史封泥



右封泥四字印文曰內史之印按漢書百官公卿表內史周
官秦因之景帝二年分置左內史右內史此無左右字景帝
前之印與

内史封泥

圭
シ
ヲ
用
糸
一

三



右封泥四字印文曰内史之印詳前

內史封泥



右封泥四字印文曰內史之印詳前

左馮翊封泥



右封泥五字印文曰左馮翊印章按漢書百官公卿表內史
周官秦因之掌治京師景帝二年分置左右內史武帝太初
元年左內史更名左馮翊此其印也

長安市令封泥



右封泥四字印文曰長安市令按漢書百官公卿表京兆尹屬官有長安市令此其印也

市丞封泥



右封泥二字半通印文曰市丞按長安市令有丞此市丞未
詳其地姑附此

掌畜丞封泥



右封泥四字印文曰掌畜丞印按漢書百官公卿表主爵中

尉秦官景帝中六年更名都尉武帝太初元年更名右扶風
屬官有掌畜令丞如淳曰尹翁歸傳曰豪疆有論罪輸掌畜
官使斫莖東方朔曰益爲右扶風畜牧之所在也此其丞之
印也

掌畜丞封泥



右封泥四字印文曰掌畜丞印詳前